

大清光緒卅二年  
丙午九月廿二日

The "Penang Sin Poe" 號一十一百一千三第 Chinese Daily News

館五張每售每元二十費寄按年全埠外元十送全元一每張本館價已請

# 檳城新報

本館設在安南街門牌二百三十三號

大英壹千玖百零  
六年十一月八號

停報預告 ○明日為英皇壽慶屬徽章下者  
無論衙署以及銀行商店概停辦公本報循例亦於  
是日停派一天特此預告  
光緒卅二年九月廿二日 本館謹告

代理保險 ○啓者本號代理香港仁安保險  
有限公司即日承保海陸輪船來往貨物保費照章  
程每收五折倘逢不測賠款快捷如蒙惠顧請到港  
仔口街門牌一百五十八號面商此佈  
大清光緒甲辰年四月十三日  
大英一千九百零四年六月十三號  
檳城振裕號司理人邱振治謹啟

代理保險 ○啓者本號代理香港源安保險  
有限公司即日承保海陸輪船來往貨物保費照章  
程每收五折倘逢不測賠款快捷如蒙惠顧請到港  
仔口街門牌一百五十八號面商此佈  
光緒甲辰年九月廿三日  
大英一千九百零四年九月廿三日  
檳城振裕號司理人邱振治謹啟

## 代論

續荷蘭屬島華僑上學制軍書

而荷差爾又極其殘虐或遇酷暑故禁飲茶水或稍  
休息輒動私刑其私刑約與各大工頭等或又故報  
公班衙門某某不聽約束私刑未了公刑又加之打  
籐鞭用大繩縛在柱上而荷差則極力重打莫不  
皮破血流所以每多甘自懸梁或甘自刎或甘自投  
水或甘詐病在病房待死但求速耳不願有生種種  
慘情不能盡悉更有極其難堪者其甲必丹口口大  
工頭陳口等陽則結交荷差陰則結連三點更爲橫  
行無忌有以糞穢迫新客自食者有以亂棍擊死者  
有以擲子繫在馬車之後縱馬奔走而致手足折傷  
者有因之而致斃命者有以四股用繩懸起而拋擊  
致斃者有以亂脚踢斃者有以洋鎗彈斃者有以拖  
疾無醫致斃者有以毆傷日久致斃者有以謀人之  
妻誣罪而致斃者有以謀人之產誣罪而致斃者嗚  
呼此大理由在人心何存試問吾中國數千年以來  
有此毒刑慘死者乎嗚呼誰非人子誰無父母堂堂

中國文明之民因受奸人誘惑重洋涉萬里背父  
兄拋妻子且慘死如此其多也稍有惻隱者實耳有  
所不忍聞目有所不忍視也嗚呼痛哉追原其由文  
島一叢之隅我由華所來之人亦如此受苛虐者實  
因猪仔之賤辱牛馬不如狗不如偶有一二斯  
文彼亦不之顧所以多爲外人欺侮而爲之生生子  
者又多是野蠻性成無文翁之教授無昌黎之感化  
又每每恃彼識得幾句番語儼然彼可與洋人交汝  
由華所來之人而每每即壓制於汝又其奈我何哉  
且近年以來凡爲甲必丹者皆是其土生之子益有  
所倚恃故凡新客老客亦莫不受其欺侮嗚呼當此  
萬眾一心之日學須與之時若不力學或體痛過  
外權凡夫海外生之子何以能與中國人何何以  
能知彼身之所自來伏願 宮保大人佛心廣佈慈  
耳高聞念逆旅之艱難恤憫胞 苦楚乞速奏呈照  
會荷政府提撥一面禁止猪仔來洋幸其利便遠傳  
識天威之可畏野蠻並化長國脈於無窮庶幾死者  
無埋冤地下生者無受屈人間豈不美哉切切上叩  
(已完)

## 勞打電音

英議院議件 ○七號電云英國上議院於下  
議院所詳之學務新例大爲修改其中有條條寬與  
下院初意相背而馳各私立教堂因大不服集全體  
會議判定上院此舉爲不合謀所以對待之法有謂  
須請政府另舉自由黨紳五百員重行提議此事  
方足以抵制保守黨之風潮云  
英國軍士之騷擾 ○七號電云昨報勃士謀  
軍士因冒雨合操與管帶武弁衝突一節不意風潮  
止息後是夜十二點各軍士又大起騷擾以百子  
擲擊諸弁寓居憲樓皆毀壞器物甚多並毆傷巡  
差數人該處政府立調他家持械前來彈壓亂軍尤  
滋事者數人始得解散云  
摩洛高又復肇亂 ○七號電云摩洛高十八  
現在又欲肇亂與法德兩國爲難其事頗非易了初  
緣有法國小輪船將泊丹育碼頭乃忽被土人亂石  
擲擊且擲且言其狀若狂法輪被傷者數人又聞有







土人一隊奔至亞依里亞附近地方將西班牙人所開電火公司之製電廠佔據又有法弁兩名及所部之土人鎗兵四十名亦盡被執因該兩弁率隊與之激戰也據此而觀法摩交涉決非指日可了矣

鳥約已舉定總督 ○七號電云鳥約總督缺職耶士與夏士兩人互爭選舉之狀況已迭載前報頃據最後消息云業經舉定耶士為總督所勝夏士之票不過過數條而已

查察山番些士高掛抵日人事 ○七號電云美政府因山番些士高學校掛抵日本肄業生一事已派出商務大臣覓加親詣該處借問日本領事查察該大臣到時即有開設旅館之商數八面稟彼等旅館往往被美人拋石擲擊毀器物等事更事更聯盟抵制不許本處人與之買賣交易云云

### 本館專電

查船員被控案 ○七號石叻電云叻坡查船員非獵士因失船一值銀廿五元被控一案日前由府提訊將案詳臬已迭載報端現復經臬提訊以其無意之失判令省釋云

### 京省

港電彙要 ○初九日專電云初七日南北軍會戰時北軍勝初八日南北軍會合行觀兵式午時會宴將佐及內外賓同日電云初九日酉刻閱兵大臣袁世凱親臨京又電云中華報主筆杭辛齋彭翼仲欲目狀警部因催速將二人遞解回籍初十日電云初九日起解杭辛齋彭翼仲由火車赴漢口繞內河回蘇州杭州原籍恐外人干涉故不經上海十二日電云聞已定二十四日日本將營口交還中國又電云此次考試留學生之同考官嚴復魏瀚唐天佑吳仰曾屈永秋等奉旨賞給進士又電云江蘇巡撫陳夔龍奏請設法妨礙此交

交政務處議覆 ○杭州現起危亂風潮係因農事

失收加以米糧騰貴所致現中國已派官軍兩大隊往鎮其亂

秋操有氣球隊 ○今秋南北兩洋陸軍會操並用氣球隊其編制現已完成云

議改官制幾致用兵 ○改定官制一事各大員於東西各國官制多未寓目更有本國官制沿革並未研究者故議改之始一切編纂苦無頭緒有時於某官某職多數大臣業將議定而不明體制者往往橫生異議作為罷論其中以某尚書為尤其近袁世凱帶到各國官制大畧一書於組織及職權等頗能備載諸大臣遂得考鏡以從事編纂云並議制諸大臣中如某王及某某兩督近因官制一事反對黨仇恨日甚竟有揚言欲加以極危險事者某某兩督更深自防衛即會客時亦用護兵嚴護以防不測

商捐擬分三等 ○太常寺讀祝官朱芾近具呈警部擬請抽收舖捐舉行警政大意言欲謀地方之益不妨集地方之資四民之中惟商家財產較優得利較厚以都城外計之大小商店不下十餘萬家請先開辦商捐區為上中下三等按月收取至於零星小販本利微薄應請豁免倘恐商民未喻其義從中掣肘則各行皆有會董令其分頭曉譬使知此舉為文明之公例再將每年出款入欸清數列之於表俾眾周知以弭謗云云

外人議報律之不合規則 ○自警部發報律後京師即有英訪員某君評論此事謂閱看該報律與各國報律禁事項大同小異中國報律較於各國似非苛酷然有律限制國民言論之自由者其關係甚重故各國新定報律改正報律由專門法家調查立案由各政府家參覈全國之情形斟酌庶民之程度釐定修正於立憲國則由議會定奪於專制國則諮詢樞密院元老院等然後裁奪今中國則不然一巡警部札飭外城巡警總廳突然擬定報律突然頒發何視其事之輕易乃爾且該規則開列應守之條目而對於不守規則之報館應如何處罰尚未見開列條目某君之言可謂切中其弊

留學生會要求 ○留學畢業生因學部考試紛紛來京學部新定章程僅予學位並無出身是以諸君會要求出身學部不允要求改試

### 閩粵

尊崇國教 ○八月廿七日孔子誕辰廣東學界數千人衣冠齊詣廣府學宮恭祝為從來未有之盛舉

擬派大員管理船政事務 ○閩省官場傳說福州船政事務現經政府議定特派大員辦理以專責成福州將軍崇善將入京陛見云

鄉官應具如左某何 ○某某為鄉官應友人竭力巴結於前月始蒙鄭君其在公司守候尚未特委以職守乃其自到公司後異常驕傲人多鄙之昨竟與人相口角獲罵之聲不絕時坐辦左小竹在坐見無其禮特傳伊上前斥之旋下逐客之令而不准逗留莫多方求恕左餘怒未息悻悻然曰不配與爾講云云查鄭素和莫而左竟逐之難乎其為總辦乎

左小竹又出 ○左小竹自得私舉坐辦後為社會所不容各人攻擊不遺餘力乃暫避其鋒不到總公司已數月近以風潮復息遂無日不到公司坐談談者謂其因鄭黃告退欲運動總辦之席云

總商會集議禁賭稅之傳單 ○公啟者吾粵賭風之盛賭害之烈為各省所無而害之劇且備者莫如小圍姓蓋以數少而繁以致普及社會即婦人孺子咸受其禍幸岑宮保嚴行禁絕所保全寔多今宮保將移節滇省誠恐根株絕或再萌芽終為粵人之害為此聯合商界聯蓋圖章稟請宮保勒石永禁務請諸公於本月廿四廿五兩日各携圖章到總商會並蓋章分認掛號號款以襄美舉諸君熱心公益惟希勿吝玉趾共列芳名是為至禱

認真揭示出入財政 ○羊城近日善後局以局中每年應需出欸甚鉅而近日所在各處設法籌辦彌補用度各處外存疑忌之心必須先將每月由局中支給各營及警務學務等一月發出欸項詳列榜示局門方足以昭大信昨初八日局中委員已將前月所有支發欸項一一詳細開列榜示局門外任人觀覽即定以後每月均沿以為例此外並擬擬於每年冬間將全年應需支發欸項或總或分首先作為預備表懸示眾知如用欸萬分不足亦一一列明